

武家列傳

二

武家傳


內閣文庫			
三五函	一五冊	三三九二號	和書類

179

第五

內閣文庫		
番號	和	33912
冊數	15 (3)	
函號	155	72


共十五



102/177

武家列傳

卷之二



鍋島
丹仔


藤堂

蜂須賀

山内

有馬

[Faint bleed-through text from the reverse side of the page]



武家列傳卷之二

毛利輝元傳 右馬頭

輝元小字幸鶴毛利元就嫡孫也毛利氏姓

大江其先出自乎城天王皇子阿保王二十

一世至大膳大夫廣元本主音人千古維時

維光廣元四子左近將監季光始稱毛

利氏季光之裔脩理亮時親仕足利尊氏有

功始領安藝吉田邑時親八世至大膳大夫

元就貞親親茂元春廣房光房熙時天下大

亂英雄割拠于外郡元就又崛起于安藝攻

殺陶全芳大内家臣陶尾張守暗賢併有周
防長門又虜尼子義久其主義隆自立更全有出雲因幡石見
隱岐遂略備中備後為十外守護嫡子備中
守隆元永祿六年擊尼子次于舟木州八月
四日暴卒年四十一輝元時年十一從在軍
中謂叔父春隆景及將完戶隆家等曰大人
就世孝子歎粥之時也歟今大難未平國家
之安危在及掌宜秘喪討雲州以紹其志諸
將皆服其睿悟勇斷元就聞之以為奇也即
令輝元率諸軍出征遂滅尼子元龜二年六

月四日元就卒年七十五諡洞雲公輝元襲立天正九
年信長令豐臣公略中國因幡伯耆備中諸
城相尋而陷勢如破竹輝元懼便乞和曰
割備中備後伯耆三州与之永為西藩公許
之會盟有日會長谷川宗仁飛檄曰明智光
秀弑信長父子云公謂毛利氏使者曰主
君遭難講和之約毛利氏旨之耶汝反告之
使者既輝元集諸將而計議小早川隆景曰
信長不幸却是秀吉幸也秀吉手渥重兵聲
罪討逆島光秀可立而待我若變約以攻其

後則秀吉恨我背約必平光秀之後旋旆以
擊我渠起自尊業而用兵彷彿孫吳中國諸
將皆非秀吉之敵豈不危乎不如今因其請
講和議予信長之喪又命一將假兵後援則
秀吉悅而德我毛利氏永無患輝元從其言
公既誅光秀遂吞四海於是德輝元待以賓
主之禮進爵從三位拜中納言五大老一人
也文祿中公擊朝鮮輝元令秀元元康元就六
子大藏輔秀包散從苗米從行皆存戰功逮豐臣公薨
石田三成謀傾東照神君遣安國寺惠瓊

字瑞甫安藝汝田郡豐良人也博學善文兼
通兵法封伊豫十二萬石輝元素與之深交
說輝元曰德川殿將不利彌子今奉大夫
人從殿之命討之諸侯多同謀者仰公為盟
主公若不忘先君大岡之舊好則速率兵上
洛戮力與誅德川殿輝元曰諾慶長五年
七月率兵至大坂逐佐野肥後守正信自居
于大坂西樓遣養子秀元吉川廣家等攻拔
阿野津城自將攻大津降京極高次既而石
田敗歿于關原秀元廣家不戰引還東軍遂
入洛輝元聞之惶恐失措乃遣人謝罪奉大

坂出降雉鬚入高野山神君告之曰輝元
毒軌煽揚禍亂罪不容誅而秀元軍于南宮
山不敢戰廣家遣人投款故從輕典赦其死
罪今沒其領邑更封秀元周防長門二列采
地三十六万九千石都于萩以系元就之祀
云了先是二慶長隆景卒遺言謂輝元曰熟察
天下之亂必不遠公唯守封境坐觀其變方
今毛利氏無包舉席卷之勢公又非撥亂濟
世之器若欲爭雄於天下驅馳於中原恐无
利之祚殲於地輝元不從故及於此寬永二

年四月廿七日輝元卒年七十二謚宗瑞公
甲斐守秀元元就四子伊豫守元清子也初
輝元無子養秀元為子朝鮮之役秀元攻拔
晋外斬首數千又取全義館援蔚山其功多
矣逮石田兵起攻阿野津拔之進出關原軍
于南宮山石田等敗績也唯秀元全軍而退
至大坂說輝元曰收餘燼決戰輝元怯懦不
用其策而出降於是神君廢輝元立秀元
為中國守護官至參議及輝元子秀就字藤七郎
生秀元遂讓其因老于豐浦秀就嗣以三河

守殿女嫁之賜松平氏官至右近衛權少將

十九年大坂之役長門守秀就及福嶋備後

守正勝德永丸馬久壽昌將兵一万軍于今

大坂之役秀元斬首百餘級

毛利和泉守光廣秀元嫡子分知長州長府五万

余石

毛利日向守就隆秀就弟字三分知周防德山三

万石

吉川藏人廣家駿河守元春元就房二子小字女

輔次郎乃吉川治部

興經養子三子天正十四年十一月五日元春卒

故称吉川

翁海襲其封征筑紫有功封筑前三十二万石慶

長五年攻下河野津進至關原廣家察三成事不

成勸秀元勿戰密遣人投款輝元降之後廣家又

没其食邑別封長州五万石都于岩國以隸毛利

氏麾下官至拾遺侍中

豐臣秀秋小早川隆景養子

左衛門佐隆景元就

弟三子小字又四郎

木下肥後守家定豐臣公夫人之兄季子也隆景膽智勇

敢從豐臣公數建功績朝鮮之役破明將軍李如

松於碧蹄館勇無出其右者承封筑前三十三万

六千余石初豐臣公養秀秋為子以為毛利輝元
無子令養秀秋為其嗣也隆景又無子聞之以為
廣元以來毛利氏統系相承不可嗣以他姓我是
毛利庶族而新承豐臣公之封讓他姓而可乃請
秀秋為養子以絕希望毛利氏之志公待隆景益
厚列五大老慶長二年六月十二日隆景卒年六
十三諡泰官至中納言於是左衛門督秀秋年少
多暴杉原下野守切諫秀秋怒殺之人皆閉口秀
秋益恣橫豐臣公聞之遣山口玄蕃頭正弘監因
政秀秋復忌之欲殺正弘三大驚遂戾門自守

上督誚秀秋之過惡公大怒廢秀秋謫于北莊越前
神君喻解公赦其罪故秀秋復啟筑前因是秀秋
德神君速三成作兵秀秋又率部兵來會于大
坂終日演獵不諗軍章三成疑之乃檄秀秋攻伏
見會秀秋兄若狹守勝俊在伏見城中城兵疑為
囚應而逐之既而秀秋攻陷伏見斬將松平五
左衛門正比奈津角內藤弥次右衛門家長鳴田
甚左衛門三成時坐於軍机檢其首賞秀秋將士
獲之
秀秋大恚以為我是太閤猶子官祿已非三成之
儔而三成自傲殆如元師豈不忠於國家者耶不

如通 德川殿戮力與斃斯賊耳乃揚言曰出乎
美濃馳至江州高宮遣平岡石見守重定同長久
於江都約為內應進軍于松尾山九月 神君軍
至垂井秀秋又遣人曰戰鬪之時起攻三成軍後
但地勢相阻 殿下宜拳燧以示機兵著白幣者
秀秋兵也云々 關原之戰天陰窈冥 神君令小
栗又市拳燧及報曰拳燧而秀秋軍不動其心未
知知 神君曰山霧深鎖燧不見又不可知即命
本多忠勝連砲放于秀秋軍砲皆無丸益示事機
也於是秀秋季兵下山直衝大谷吉隆力戰秀秋

兵少却脇坂安治小川祐忠朽木利綱等又起橫
擊吉隆軍藤堂高虎蜂須賀至鎮得機短兵急接
吉隆遂敗死因是三成等軍又潰奔北之邑如雷
秀秋從親近六七人來見賀戰 神君下札揖秀
秋曰今日之戰一因婦之戮力自今以後孤見婦
猶子与秀忠何分秀秋低頭謝曰 殿下聖運所
致也臣何力之有 神君又使村哉茂介謂秀秋
曰佐和山乃三成居城而守將皆三成之父兄故
煩卿之軍旌秀秋承命謂其部下曰昨遭吉隆我
軍數撓承取於諸侯多矣今幸奉命攻佐和山汝

軍軍粉骨碎身雪昨日之耻遂自督戰甲冑鮮明
映日三成父隱岐守清成兄木工頭重成等防戰
秀秋擊破之并伊直政放火燔城之陷清成等皆
灰事乎之後封備前美作采地四十六万六千七
百余石官至中納言明年十月十八日秀秋暴卒
年二十六無子因除平國重定以首領之功封
河州德山一万石其後有故也
治部太甫秀包字藤四郎元就房八子輝元嘗与
豐臣公講和秀包出質征筑紫有功筑後二十一
万石都于久留米至拾遺侍中朝鮮之役破明兵

於碧蹄館逮三成兵起秀包又率兵出軍于關原
軍潰走于安藝遂客死于他家

鍋嶋直茂傳

加賀守

鍋嶋直茂肥前龍造寺庶族也

姓藤原世々為龍造

寺家臣也一日直茂祖平右衛門清久太宰少貳

經房長子也清久生駿河清房乃直茂父也天正

十三年二月龍造寺山城守与嶋津戰于嶋原敗

於直茂立其子民部少輔政家至十五年豐臣

公擊嶋津直茂奉政家往會之豐臣公善之領肥

前如故直茂行國政數年遂棄政家而自立豐臣

公素受直茂之賂故命為肥前守護

米地凡三十
五万七千石

都于佐賀速擊朝鮮直茂暨嫡子信濃守勝茂皆

率部兵而航海教有戰功慶長五年應石田三成之檄會于大坂勝茂率兵圍勢州松坂勝茂持兩端故戰不力原戰敗而引還直茂遣使謝罪東照神君以為直茂父子為賊所誘而勝茂攻松坂通志於我其罪殆輕遂赦之遣擊立花宗茂自謝故勝茂率兵擊柳川詳見立花氏中大坂二役皆從軍戰功特多斬獲數百級

十九年大坂之役勝茂

圍城西將兵一万二千

勝茂卒年八十一勝茂嗣以其弟和泉守忠茂分

知二万石都于如島寬永三年八月勝茂為從四位下侍從十四年天主教賊松于天尊命辨別諸候討之閤老板倉田膳正重昌督諸軍攻之賊松要害防之故經日而不陷故遣松平伊豆守信綱代重昌督諸軍重昌慙之十五年正月朔重昌軍騎破柵而入中賊砲而灰諸軍競進賊能防之故不能克信綱至今諸軍勿攻而絕其糧道故賊大飢困二月廿七日勝茂料賊之疲特率軍攻之其將柳原飛彈等先登嫡子忠直又善戰遂上其城有馬忠卿蒞至勝茂呼曰降者赦其灰賊徒棄戈而羅

拜斬其酋數人黨与尽降勝茂父子之功冠三軍
然不告信綱而擅進故坐皆軍法之眾閉門五十
日時入評日勝茂閉門鍋嶋氏之榮也正保四年
六月蛮船二艘漂泊于長崎浦命鍋嶋立花警衛
之以備不虞云々明曆三年正月廿四日勝茂
卒嫡子忠直先卒肥前守故嫡孫丹後守光茂立
賜松平氏

紀伊守元茂勝茂二子小城七万四千石
甲斐守直澄勝茂三子蓮池五万二千石

初直茂奉其主政家以其三子駿河守隆房為子
未幾又歿蓋直茂寬永中大猷廟上洛伯菴者
遮駕訖曰龍造寺隆房子也檢校無證遂函保科
正之郵以歿俗傳鍋嶋氏世々不能夜臥因龍造
寺之灵為祟也

信輝父恒利始移居于尾州信輝標得能戰天文
二十年戰于海津先登獲敵弘治三年信長誘召
房武藏守信行遣力士三人伏於帷中突出殺之
力士誤期信行走出信輝在席下起而抱之刺殺
永祿元年海津及名古屋之戰皆有功三年今川

池田輝政傳 丹後守

輝政字三九衛門小字古新信輝入道勝入二子
信輝初名恒興字勝三郎撰州人其妻池田氏江
州人而織田信長之乳母也因昌其氏或曰撰州
池田氏源賴光五世孫瀧口右馬允泰政之後至
信輝父恒利始移居于尾州信輝標得能戰天文
二十年戰于海津先登獲敵弘治三年信長誘召
房武藏守信行遣力士三人伏於帷中突出殺之
力士誤期信行走出信輝在席下起而抱之刺殺
永祿元年海津及名古屋之戰皆有功三年今川

義元擊信長兵勢大振信長議戰守林佐渡守曰
彼眾我寡破竹之勢難當不如坐壘壁以避其銳
而待其惰而後伐之信輝曰義元數勝謂我無能
為也我乘其不備而輕騎直衝其營擒義元必矣
所謂將驕卒惰者亾事機不可失信長從其言自
率輕騎擊義元於桶狹間斬之五年戰于洲股州
手斬齋藤竜興將稻葉又右衛門天正八年攻被
投洲花熊城時輝政年十六突衝陷陣敵無敢當
者信長賜感牘及名馬於是信輝与二子之助勝
郎信輝長子輝政分守有岡尾崎花熊十年明智光秀

我信長信輝父子會豐臣公於尼崎信輝雉鬢示
不与賊共生更号勝入与公約以秀次为女婿輝
政为公子戰于山崎大破光秀走死立信長嫡孫
三法師为主信忠十月十五日喪信長輝政早喪
輿之前轅十一年分美濃封信輝父子信輝守大
垣之助守歧阜輝政守池尻十二年織田信雄与
豐臣公有隙各遣人召勝入郎信輝勝入猶豫不决
謂片桐半右衛門曰我受信長之恩義不忍敵信
雄片桐曰批義而行則武夫之態勝負非所豫見
也伊木清兵衛勸勝入從豐臣公勝入惑焉公又

遣人懇賂勝入勝入遂從之斥桐嘆曰背義違命
我不知其矣所信雄將中川勘右衛門守大山与
池尻平右衛門戰互夾大山無守勝入乘之袞取
大山既而勝入父子森武藏守長一率兵出屯于
小牧豐臣公移書戒之曰德川殿非尋常之敵
手汝等須持重勿輕戰以待孤軍之至久之公率
軍至大山勝入見公曰敵多出屯于小牧想參河
必空虛願某率奇兵直入參河略其郡邑則渠必
返援之殿下乘其還而掩之則必勝在掌中公曰
此計殆是孤當藝思勝入又曰事機难得而易失

若過二三日則不可為公遣秀次為大將勝一長
一及堀久太郎秀政為副將又戒之曰勿恃勇侮
敵云々四月九日勝入進攻岩崎守將丹羽次郎
次氏重氏次房一字次郎
三郎次時年卅四防戰城陷火之
神君先鋒大須賀康高柳康政丹羽勘次氏次等
擊破秀次秀政軍勝入長一勵兵督戰并伊直政
上山放弩長一中砲而夾勝入兵潰散勝入率殘
兵而止遣人於秀政及戰秀政懲前敗而不肯勝
入遂敗家臣秋田加兵衛柁浦兵七斥桐与三竹
村小平太皆夾勝入為永井傳八郎尚勝所刺殺

長子紀伊守之助為安藤彥兵衛直次被斬勝入
四十九謚護國公故輝政衮守大垣十三年移于
之助死年二十六岐阜三月伐紀州雜賀賊十五年從征筑紫壯年
賜羽柴氏十六年拜拾遺侍中賜豐臣姓更伊豫
守先是丹後守後十八年伐北条園早川口七月
入奥州九月封三州吉田十五万石冬征奥州九
郵初神君女嫁北条氏直敗後入高野山
明年遂女會輝政失配初娶中川清秀女於是氏
直室媛名督再嫁輝政故輝政以姻族与神君親
好慶長五年從征會津返定石田之乱以駿遠參

尾四州之質尽置吉田八月廿二日先鋒諸將議
渡河福嶋正則加藤嘉明細川忠興等渡萩原輝
政及淺野幸長等渡新加納明日平曉輝政渡河
擊破岐阜兵斬首七百餘級正則怒向萩原而不
見敵乃日明日攻城面既而輝政先至永良川而
軍正則益怒欲一挙攻拔遂麾兵而進岐阜兵死
守而戰勝負未决輝政繞出城背特立其藏城主
織田秀信降正則欲先入受降輝政曰上城者我
也當受降正則勃然軍監井伊直政本多忠勝謂
輝政曰大敵在前不可爭功生隙且下列媪姻之

親當與共安危何論戰功之雄劣輝政從之故正
則入受降九月十四日神君軍于赤坂召諸將
定方略謂輝政曰毛利秀元軍于南宮山而遣人
內應實誠詐未可知輝等宜比其麓以備其變輝
政奉命比山麓閩原之戰石田等敗績秀元不戰
而退長束大藏少南正家逃飯于水口州輝政攻
圍之正家舉城而降輝政誘囚殺之十月封播磨
及備前五十二万石都于姬路八年拜左近衛權
少將十七年八月拜參議賜松平氏十八年癸正
月廿五日卒於姬路年五十賜賻銀數百錠蓋因

清公嫡子武藏守利隆嗣川母中先是房忠繼分備
前二十万石封之故利隆所領三十二万石千二
百石十九年大坂之役利隆軍出尼崎渡神崎川
擒數十人進攻天滿口

十一月六日忠雄已取大坂戰利隆將渡
中嶋城和泉守永盛叩馬諫曰敵有備不可
渡利隆曰房忠雄已立功不可拱手而見永
盛曰軍令不可背利隆不得已而止世夜忠
雄率戶川花房渡下流破大坂兵於是明日
利隆進軍于天滿獻捷於二条十五日

神君彙二余永盛以失軍機追放廿年再役
利隆忠雄化于尼崎及泉坂警固南海西海
山陰山
陸兵船
元和元年五月燔大和田民屋數百進攻大坂斬
首九百十餘級二年朝于江都而病彙賜飯因
六月十三日卒年三十三官至拾遺侍中門更右衛
謚興國公嫡子新太郎光政嗣三年移封於因幡
伯耆都于鳥取九年移封於備前乃備中教郡都
于岡山官至左近衛權少將嫡子伊豫守綱政

池田信濃守政言光政二子分知五万五千石
池田丹波守輝録光政三子分知一万五千石
池田備後守恒元字三五郎分知
守政周嗣早亥祿新光政弟子豐前

輝政娶督媛生五子曰忠繼曰忠雄曰輝澄
曰政綱曰輝興皆賜松平氏
左衛門督忠繼小字藤松輝政二子慶長八年分
備前二十万石封之五年十三年加冠賜平氏字三
郎拜拾遺侍中十九年攻大坂軍出于大和田川

擊破大坂兵進軍于任吉而渡今橋神君賜鉄
指三枚乃立鉄指於橋上以射城上城兵燔橋而
還

十九年十一月六日宮内女甫忠雄存戸川

正利花房重勝等至大坂擊織田有示戰河

兄武藏守利隆軍于中嶋大坂兵傍川防之

忠雄乘夜襲破之於是石川

忠總有馬豐氏兵皆渡河

元和元年^{乙卯}二月廿三日卒於備前年十七謚竟

峰公

宮内女甫忠雄小字勝五郎又更新慶長十三年

加冠賜松平氏十五年受封沓路十九年冬攻大

坂軍出于今宮進攻博勞淵砦部下横川治太夫

斬平子主膳箕浦玄番取葦嶋之船

十一月廿七日石川忠總襲取博勞淵砦

將平子主膳貞詮子茂兵衛貞仲走過忠雄

若忠雄兵出止之横川治太

夫斬貞詮箕浦右近獲貞仲

元和元年兄忠總卒七月忠雄併領備前米地三

十二万五十石二年拜拾遺侍中寛永三年拜参

議九年四月三日卒年三十謚清春公嫡子相模
守光仲年僅三六月移于因幡島取并領与光政
封地相代嫡子伯耆守綱清皆官至左近衛權女
將

松平壹岐守仲澄光仲子分知三万石

松平河内守清定光仲子分知二万石

石見守輝澄小字松千代慶長十八年分播州佐
用完粟二郡六万石封之寬永三年拜拾遺侍中
十七年坐奸臣弄權而因除寬文二年四月十八

日卒稚髮号其子能登守政直受新封一万石寬

文五年十二月四日卒其子封右京大夫政綱小

字岩松慶長十八年分播州赤穂郡封之叙四品

寬永四年八月卒無嗣

右近大夫輝興小字古七郎慶長十八年分播州

佐用郡封之後移于赤穂郡地裔今又不見

池田備中守長吉輝政弟長久手之戰父勝入兄
之助皆炎長吉劊而退慶長五年八月從兄輝政
渡新加納岐阜驍騎叙沼小勘平兼戰斬藤田權

左衛門遂接長吉子刺墜之岐身兵遂敗又說
水口城主長東正家降之十月封因幡六万石都
于鳥取十九年九月廿四日卒年四十五子備中
守長幸嗣元和元年從武藏守利隆攻天満口斬
首三十餘級三年移于備中松山寛永九年四月
七日卒四十六子出雲守長常嗣十八年卒国除

丹伊直政傳 兵部太輔

直政小字万子代父彦次郎直親遠州丹伊谷城
主其先出自闲院元大臣藤冬嗣々々七世備中
守共資冬嗣良門利世共
長良春良宗共資始領遠州村櫛遠州丹
谷有八幡祠會正月朔其神職社參忽聞丹中有
赤子声往見之果得一兒其傍有槁一顆神職異
之抱飯鞠之逮七歲之時其資聞其事以奇之請
神職自養之冠名共保以女妻之共保容兒端麗
膂力超人又善騎射狩人最敬憚之後嗣共資家
系祿備中太夫因益丹文於旗幕橋於衣裳共保

十一世至脩理亮直平良直保共家共直惟直盛直
直氏平世守丹伊谷属今川麾下直平生二
子曰宮内少甫直宗曰彦次郎直滿直平卒直宗
嗣直宗生信濃守直盛直宗卒直盛嗣其部下小
野和泉忠直滿諺之義元信其言殺直滿
十三直滿子直親年僅九家人抱匿于伊奈州其
後因奥山因幡守討其冤弘治元年復啟丹伊谷
十九永祿三年義元敗於桶狭間直盛死之無
嗣故直親竄立五年小野但守道好又諺氏直曰
直親謀叛氏直怒遣朝比奈備中守泰能誘殺之

直親娶奥山氏生直政時二歲當刑新野丸馬久
申救故者之置新野氏七年引間今濱城主飯尾
豐前守叛氏直遣丸馬久討之丸馬久中砲而死
氏直復索直親子丸馬久妻曰既入浄土宗乃僧
浄土寺僧其叔父也即贈之於寺五年十一年甲州
兵入駿府叔父僧及房子珍源与乳母携之避乱
於鳳来寺九年轉徙于濱松乳母嫁于松下源太郎
因育之具嘗艱苦至成立天正三年東照神君
放鷹曾見一美少年拜於路拳止不几神君问
曰汝何人子對曰松下某之子也神君乃召之

給仕左右五年十直政穎悟聰睿罷着特厚後
神君知其悉也嘆曰名將後也因復井伊氏乃以
井伊谷故將管沼次郎右衛門近藤石見鈴木平
兵衛等隸之為一隊將又以近臣木股清九衛門
守勝掠原治右衛門西江藤右衛門馬老臣十年
武田氏亡乃以一条山懸原土屋四隊士卒隸於
直政兵皆著赤戰袍旗幟皆赤以擬山懸之隊且
命直政曰山懸者武田氏忠臣也汝宜鑑其忠勇
十二年於是直政始而出將防北条兵入甲州封祿
四万石十二年長久手之戰直政率赤隊上其東

南山而直下敵軍而放砲森長一率先來攻中砲
而灰池田勝入續進直政縱兵掩擊勝入軍潰父
子遂戰灰十三年貞田昌幸以上田叛信州遣島井
元忠等伐之不利神君又遣直政及松平周防
守康親伐之昌幸城守不敢出十四年神君与
豐臣公講和公以神君部下功臣拜侍從一人
太夫十人其一侍從乃直政也更兵部大甫時
神君不旨入浴公又贈大政取豐臣於岡崎以安
其心神君即上道遣直政及本多重次護大政
取直政重次積薪於館傍以為神君若有不諱

則燔殺大政所也。速神君既敗大政所，又敗治
謂公曰：直政重次於妾，專事楚苦，妾恨之，未忘於
心。公嘆曰：直政等可謂忠其所仕也。十一月，直政
使至于京，公饗之。石川伯耆守數正為伴，竟日不
交一語。既而公賜茶於直政，又以數正為伴。直政
睨視，又不語，以為數正累世德川氏家臣而叛，
去人面，獸心，非与齒者。我豈畏秀吉之威，敢交言
乎？公亦稱其剛直云。十七年，直政又從德川氏
而入浴，公謂之曰：明年當伐北条，不朝之罪，則
德川殿須整兵以待云。十八年，公伐北条。

神君教直政說耳繩城主北条氏勝降之。小田原
城東帶芦子川，其傍有一砦。名捨北条將山角上
野从守之。六月五日，直政乘夜襲之。近藤石見同
登之，以鈴木管沼木股等破柵入砦，兵力戰防之。
直政誘退砦兵，出追之。西江藤右衛門伏起，絕其
後。近藤登之，久長野傳藏衝其前，尽斃之。山角敗
走，遂取其砦。因是城中大困。七月七日，氏政父子
拳城而降。神君遣直政等受其城地。世久近江
黄門秀次討奥州九部，直政率兵往會。既而
神君領奥八州以上野箕輪十二万石封直政。其

後築于高崎移都之十九年冬秀次為関白豊臣
公自称大將神君使直政賀之會秀次圍碁顧
直政曰前日孤与卿圍碁之時卿手段長矣然孤
今貴至人臣之極碁手非前日之比直政咲曰昔
日圍碁之時殿下位階既高而直政無官手段却
長今殿下登三公則直政亦四品侍中豈負昔日
之手段耶但碁一旦戰場其餘又有取不讓秀次
默益秀次自耻長久手之賤故誇言以挫直政
辭氣不屈應對如流故秀次不敢復言一日直
政召其老臣及井伊谷故將曰汝等助我數建功

業我憾祿少不能報汝等之勲汝等欲歸幕府
則言之我不敢止木股掠原鈴木三郎太夫曰君
何出此言乎臣等生死唯君之所命敢無去志近
藤石見同登之夕管沼次郎右衛門請歸幕府
直政許之於是二氏復歸幕府慶長初大老
五奉行標黨仇神君幕府重臣參謀惟惺木股
肱心警者唯本多佐渡守正信及直政二人而已
五年神君親征會津又旋軍定石田之亂以福
寓池田淺野加藤等為先鋒以直政及本多忠勝
為軍監八月攻拔歧阜降織田秀信九月十三日

神君至岐阜下野守殿軍于清洲直政忠勝說下
野守殿移軍于岐阜從加勝充馬次嘉明之言也
十四日進軍于圍山有馬豐氏中村一忠遭嶋元
近兵於株瀨川而不能退神君遣直政忠勝收
軍直政向忠勝曰可飯嘗而著甲耶忠勝曰諾於
是直政飯嘗著甲忠勝直至株瀨川令豐氏一忠
收軍直政至之時戰已畢直政以為忠勝誘已建
一筒之功自是二人不相善十五日關原之戰直
政領七隊忠勝領八隊下野守殿領九隊直政以
為遭敵之或後遂與下野守殿離部位而先進時

先隊福嶋正則兵已交鋒直政遠其傍而出正則
將可見才藏叱曰汝何人出我陣前乎直政答曰
身是井伊兵部也奉命斥候遂進下野守殿力戰
創其左腋又失馬渡邊孫五右衛門授其馬武藤
六太夫二人皆直政家人謂渡邊曰足下足跛不可步戰
即自下馬棄下野守殿既而

一云掃部頭直孝
敵下野守殿而出
石田小西等敗走唯嶋津義弘殊死戰直政直衝
其陣義弘兵披靡義弘弟中務太甫義家戰歿義

弘遂敗直政又右腕創新獲數百級十六日金吾
秀秋圍佐和山合戰未央直政率兵攻其城皆城
遂陷守將石田清成三成及重成三成皆自殺乃
以仇和山封直政命曰直政每戰連捷遂無一
敗陶国第一勲也故封佐和山今石田之故地
采邑凡十八万石七年寅二月朔日直政卒謚泰安公
年四十二嫡子右近太夫直勝嗣多病無將大九
年築彦根山移都之十五年弟掃部頭直孝直政子
年時二封上州采地一万石十八年直孝守伏見
城十九年大坂有事直勝以病辭從軍故命直孝

代將疾根單自伏見直至大坂十一月部將木股
右京攻笹山砦而創址時加賀越前兵又多死傷
其後直孝令士卒堀城壁下土鬆地道不成

大坂之役十一月四日越前加州兵攻真田
砦會城中失火藤堂高虎令諸軍曰此南余
中務忠成忘我之仇也率兵進攻直孝遣使
謂高虎曰城中火矣不見南余旗疑是失火
也且火又消宜戮力越前加賀以攻真田高
虎曰諾於是直孝又進攻真田不克其將木股右京被創士卒多死

元和元年藤直勝立直孝之因岡老安藤重信
再三固許不許遂封直勝安中卅三万石直孝乃
茂根城主采邑十五万石四月再奉伐大坂藤堂
高虎及直孝乃隅南道先鋒五月五日高虎軍于
千塚直孝軍于花岡山六日高虎出八尾与長曾
我部戰直孝出若江与木村重成戰重成戰鋒最
銳河手主稅三千石孕石豐後百石戰火山口
伊豆守重信又力戰死之前軍敗直孝自率麾下
奮戰重成殊死而戰直孝兵數挽重成又力疲安
藤長三郎接戰斬之殘兵遂敗追擊所獲山口丸

馬从弘定内藤新十郎玄忠奉禮孫兵佐久間藏
人等甲首九十余級步卒二百餘級凡三百級直孝
將士死者又三十余人步卒若干七日戰于岡山
破城將青木駿河守大坂平

廿年五月直孝軍于花岡山自馳軍中指麾
士卒不用軍使云先鋒河手孕石等出于若
江与重成戰皆敗死直孝二陣十將突戰重
成兵敗或勸重成欲退重成不肯策馬先馳
十將兵披靡少却直孝縱兵擊之山口重政
子重信橫衝重成陣重信深入而歿重成戰

寺益勵直孝軍教退數進既而重成副將山口私定内友秋長佐久間藏人年禮孫兵衛等皆歿小將安藤長三郎擊斬重成云々

七月加增五万石元石二十五万石又加增五万石江皆

野寬永三年拜右近衛權少將十年江州及依野

勢田谷賦米邑加增五万石元石三十万石或三五

石拜正四位左中将万治二年己六月廿八日卒

年七十長子教員依直滋有罪而廢季子玄蕃頭

直澄嗣少字龜夕又更右近大夫直勝其子直之

自安中移三州西尾承應元年轉于遠州懸

川傳直武直朝室永三年移于越後与坂

藤堂高虎傳和泉守

高虎字與左衛門江州人以居藤堂邑因氏焉世

系未審或云姓藤原藤堂民部高基之裔也後鳥羽

朝人和江父源次虎高卑賤不知名高虎年十五

為淺井長政將磯野丹波守盛景之輕卒戰于姊

川元龜元年六月二十九日有功始受秩八十石二年信長圍

依和山降盛景高虎去之山本属于阿閑泔路守

天正元年阿閑又降織田七兵衛信澄武藏守用

高虎為將六年伐丹波長澤治部抄于小山高虎

先登擊破之信澄用為愧將高虎以祿少也辭去

仕豐臣公房義濃守秀長即本和秀長賜秩三百
石卅年攻播州三木高虎有殺獲八年秀長守但
馬遣高虎擊新野大矢寺前軍却高虎執麾而
進戰身被數創而不敢退敵遂走追斬其酋富永
敵又在橫伊木山高虎乘夜從其僕佐久間作藏
或云服部竹久入其砦中覺而索之高虎隱于廁中敵刺
廁中高虎脇助高虎以爲鎗鋒有血則必怪索之
乃以取著之袍徐拔其鎗鋒敵以爲無人而去既
而砦中皆寢高虎突入揚聲曰我已入汝砦何其
安卧乎砦兵驚潰高虎作藏各有獲秀長大奇之

封三千石十年討明智光秀十一年志津高之戰
秀長營于木本佐久間盛政已破中川清秀乘機
而進鋒最銳高虎揮兵力戰被創甲袍皆赤而英
氣不撓十二年圍伊勢松嶋而拔之五月秀長領
紀伊大和都于郡山乃以封高虎一万石紀人山
本某湯淺直清不属秀長之遣高虎及青木杉
若尾勝等伐之以高虎之計取其要害遂殺山本
降湯淺誅其黨与三百餘人十三年秀長擊河波
團一宮高虎乘夜附樓櫓之下橫山真人者出戰
飛砲中高虎之胸創疼不能動從者居合孫作負

之而退十五年豐臣公征筑紫秀長將兵入日向
島津義弘圍宮部善祥坊於目白秀長先遣高虎
援之高虎乘夜入城告城兵曰大和侯自將兵十
萬將至汝等努力宮部將南奈氏勵衆出戰義弘
遂敗走公善高虎之功賜感牘又令秀長益祿一
萬石拜朝散大夫依渡守宮部又愛其勇壯以女
妻之十九年四月大和侯秀長卒秀俊嗣三位依
一露子秀長養子秀文祿元年伐朝鮮秀俊比于名護屋高
虎將兵二千渡海二年秀俊卒高虎悲哀曰自今
以後復無所伸力遂雉髮入高野山豐臣公遣人

懇召之因賜采地於伊豫慶長二年復伐朝鮮高
虎与加藤嘉明取坂安治率四国兵直向釜山浦
時朝鮮兵在唐嶋三月高虎遣兵先擊之藤堂新
七郎良勝先登取敵船藤堂作兵衛續進又取船
高虎安治麾衆督戰嘉明後至挺身死入一大艦
鎡力戰手斬數人遂取之又死入一戰舸矢中其
股而不撓又取其舸既而各旣裁書報捷高虎曰
先登者我也嘉明怒按劍曰佐渡何言哉復出一
言則我必一力急哉每戰之捷何人出我右耶高
虎又怒左右翼蔽之各和解無事而止乃使藤堂

太郎九衛門返報豐臣公聞之曰高虎嘉明皆奇
功何論雄勇乃以今張七万石封高虎真崎七万
石封嘉明皆豫厚賜其使八月十五日高虎乘月
夜袞破南原水軍斬首二百七十級進攻南原拔
之九月朝鮮解生兵在水源我軍乘戰舸驟至水
源兵善戰來嶋出雲守通伊豫然河戰死毛利民
部少甫高敬又河野掛十字鎗於敵舸而中砲墮水
藤堂孫八郎同勦解由來援得免高虎又身被二
創而戰氣不衰水源兵乘風逃去遂入蔚山凱還
之後又加一萬石三年八月豐臣公薨石田三成

淺野長政至霸家ハカ臺促諸將引還東照神君又
遣高虎伺朝鮮之形勢遂收軍而還四年正月十
九日有馬則賴饗神君於其邸宴劇而并伊直
政來見請問密語少間高虎又至參謀其事人無
敢知其所以時淳田上杉石田小西等百計傾
神君人情恟ク神君待高虎以腹心三月十一
日神君赴大坂訪前田利家疾其夜館于高虎
終夜戒嚴小西行長欲袞之而不果明日
神君還于伏見高虎從行日夕不離左右數月五
年神君征會津山内一豐私高虎曰藝視

德川殿寬仁愛人威嚴御衆其用兵也鬻髯孫吳
必保天下之器也高虎咲曰天命所啟在人心復
何言哉遂贈妻子於江都以示無二志也
神君善之賜下絁三千石既而聞石田三成兵起
高虎質猶子宮內少甫高吉丹羽長秀三子初為秀
長養子其後公命高
之荒養率部兵先發擊岐阜援兵於呂久大破之其
將藤堂玄番允良政長駈入赤坂出膀禁虜掠令
池田久兵衛猷捷於是諸將議攻大垣高虎謂升
伊直政本多忠勝曰暫待川台軍之至而後受方
略不可率尔生事而誤機會也二人從之令諸將

不輕動也九月十四日神君至国山股坂安治
小川祐忠朽木利綱赤坐直保等因高虎請除明
日関原之戰高虎率先擊大谷吉隆軍藤堂新七
郎先登獲敵石川伊豆守貞政續獲敵藤堂玄番
戰死藤堂民部須知九右衛門向宮右馬允等皆
善戰金吾秀秋股坂朽木等倒戈攻吉隆軍後吉
隆兵敗遂自殺其將湯淺五久理其首於泥中出
戰死之藤堂仁右衛門高秋獲之高秋年以獻
神君曰湯淺者驍將也開渠缺唇也果然乎檢之
是乃厚賜高秋事平之後封高虎豫州守和嶋二

十萬三千石舊領八萬石十年高虎獻策以爲宜以諸
侯妻子置於江都也遂自以其母妻移居于江都
十一年加增二萬石十三年更封伊賀伊勢食邑
如故都于阿野津更和泉守十六年加藤清正卒
子忠廣尚幼政令多門國中騷動八月遣高虎監
其國政十九年大坂有事高虎先率所部屯于大
仙嶺阿以待台軍之至十一月攻天王寺口飛
砲擊崩木村長門守重成所守之樓櫓時台軍
邏騎獲一問者於住吉搜索懷中得秀賴與高虎
書曰誘德川殿來之城下皆歸之力也事成則

附兩國三十餘州如約神君見之咲曰此及問
之故轍殆似兒戲乃令鞠之渠曰大野主馬治房
之家人也乃賜之高虎怒斷其兩手印秀賴
二字於其額以投城下命軍士罵辱治房其後高
虎遣輕卒堀壁下將湧出城中速和議成而不果

台軍獲問者搜得與高虎書云云問者云藤
堂淺野通志於城中時贈給帛酒者神君
聞之咲曰淀殿遇高虎數不禮故高虎仕孤
無戴且高虎攻天王寺口之先隊也而使者
不知之徘徊於住吉其誕可知也乃召高虎

示其書高虎大驚請鞠問者神君曰世及
間故輟殆兒戲也月以問者賜高虎南条
中務忠成父光明從豐臣公有功領筑紫南
条先之從石田三成謀殺廢人而失忠
成志秀賴召募來在城中知事難成遣使高
虎請降曰洞門納兵舉火為志十一月四日
城中火起高虎降諸軍欲進攻既而不見中
務懺故按兵不動世日越前及前田并伊等
攻真田若大折士卒六日神君巡行諸營
出山伊達正宗及高虎本多正信從之還至住吉

正宗獻生糶神君令烹之三人侍食頃之
高虎家人來呼高虎即去及半夜來報
曰今日黃昏星谷口城兵爭鬪聞之臣牙將
藤堂仁右衛門藤堂新七等督兵進攻城兵
又尽力防戰故渡邊勘兵衛中砲落馬仁右
衛門等不敢退既而臣既令之收軍失措之
時誤無所辭神君咲曰卿部下皆忘身為主
孤數見之若卿不食糶則不有此舉高虎謝
而退
元和元年五月五日高虎与并伊直孝為先鋒軍

于子塚秀頼令木村重成長曾我部盛親將兵出
若江八尾以拒六日高虎兵戰于八尾藤堂式部
先登刺墜一騎澤田平太夫截之合戰數刻右隊
將藤堂新七郎良勝同玄番良重馳木村軍而灰
尤隊將藤堂仁右衛門高取同勅解由氏勝素名
孫次兵衛親氏山岡兵部重成馳盛親軍而灰唯
渡邊勳兵衛率中隊數破盛親兵梅原勝右衛門
須知九右衛門伊東孫太夫等皆善戰盛親敗走
于天王寺

時柵營在破村聞高虎戰克將進軍高虎云

八尾骸骨未收願入臣于塚營柵營從之

叱于子塚高虎叱于八尾

明日柵營進軍高虎殿

明日進軍于岡山 台德齋親臨其營以問謀城
兵來戰高虎兵少却安波三郎左衛門戰灰堀伊
織落合尤近岡本五郎右衛門中小路某等力戰
城兵遂敗二日之戰斬首凡八百六十餘級以功
益食祿凡二十七萬五萬石三年十月又加山城
大和采地五萬石凡三十二寬永二年十一月拜
拾遺侍中三年八月拜尤近衛權少將七年庚十

月五日卒於江都

謚松公

年七十五從祠東叡山嫡

子大學頭高次嗣高次淵達弘致名重於天下官

至左近衛權少將嫡子和泉守高久

藤堂佐渡守高通高次子分知勢別久居五万石

八尾之戰高虎先鋒渡邊勘兵衛軍于比太

藤堂仁右衛門等軍于西鄉及木戶盛親遣

輕卒挑戰偽退渡邊追之渡河至于大蓮村

盛親与細式部分兩翼擊仁右衛門陣渡邊

与仁右衛門等不善故不告渡河仁右衛門

等怒不敢告急於渡邊又不告報高虎殊歿

出戰兵敗於是仁右衛門新七玄番勘解由

兼名孫次兵衛山岡兵部督歿之藤堂式部

被創渡邊不敢動坐見其戰聞仁右衛門等

既歿率兵攻盛親軍後高虎縻下兵又至並

擊破之盛親走于平野高虎怒渡邊不救仁

右衛門等遂逐之渡邊者中村式部女甫一

氏臣也天正十八年攻豆別山中勇拔群豐

臣公甚賞之自是名著天下中村氏亡之後

高虎懇召之封秩二万石仁右衛門新

七等勲舊甚妬之耻役也皆相酌而歿

貞正字小六尾張人其先源氏庶族父彥右衛門
 正勝在尾濃之疆為盜賊亡命無賴者多從之永
 祿九年信長略美濃齋藤龍興出兵於河上以防
 之信長欲築砦於塘下以相待而難其守豐臣公
 曰這邊盜賊多精兵當選用之信長從之乃選擇
 篠木柏井科野泰川小幡守山根上等群盜凡千
 二百余人分隊使守之以豐臣公為首將正勝家
 正及又十郎稻田大炊次青山新七同小次河口
 久次長江半之丞加治田隼人日比野六太夫松

蜂須賀家正傳

長門守

家正字小六尾張人其先源氏庶族父彥右衛門
 正勝在尾濃之疆為盜賊亡命無賴者多從之永
 祿九年信長略美濃齋藤龍興出兵於河上以防
 之信長欲築砦於塘下以相待而難其守豐臣公
 曰這邊盜賊多精兵當選用之信長從之乃選擇
 篠木柏井科野泰川小幡守山根上等群盜凡千
 二百余人分隊使守之以豐臣公為首將正勝家
 正及又十郎稻田大炊次青山新七同小次河口
 久次長江半之丞加治田隼人日比野六太夫松

原内直等為隊長敵出爭之公今日防敵者執子
戰築砦者把耒耜不日而砦成敵又出奇兵挑戰
家正稻田謂公曰敵必有詐勿輕出公從之敵遂
引去既而公以家正加治田為左右稻田率鳥銃
而先驅襲敵砦盡破之信長以公為奇厚加報賞
家正及稻田加治田等賞賜有差自是豐臣公威
名漸著公親任正勝家正最重其後播州三木之
戰備中諸城攻及討明智於山崎破柴田於志津
富正勝父子皆有力既而正勝卒天正十三年家
正從伐四國々々平公封家正阿波都于德嶋

采邑十八万六千石先是拜朝散大夫長門守至
此更阿波守十八年豐臣公擊北条氏政以藏田
信雄別將一軍圍葦山蒲生福嶋及家政等從之
敵与城兵攻戰守將北条氏規固守不下文禄元
年公擊朝鮮家政率部兵七千余人渡江以守唐
嶋慶長二年再擊朝鮮家政從守喜多秀家攻南
原下之多斬獲連公費而敵朝未幾家政讓封嫡
子至鎮阿波而老稚髮号逢菴五年至鎮從
東照神君討會津返定石田之乱関原之戰至鎮
領第十一隊与藤堂京極夾擊大谷平塚軍大破

之以切封河波一州并泆路采邑二十五万七千
余石十九年冬大坂有事至鎮与子忠英率兵来
會十一月十九日至鎮及浅野長晟袞織多崎若
而取之廿九日攻取河波坐若稻田九郎兵衛等
有戰功神君賜書逢菴以賞至鎮之功因進爵
四品拜拾遺侍中

十九年將兵七千圍大坂城西十九日至
鎮率戰舸四十余艘忽至織多崎若將明石
丹後守全延防戰至鎮將稻田父子中村右
近山田織部等上岸擊其背全延前後受敵

遂敗走至鎮遂取其若又議攻伯乐洲若會
有病逗留廿七日石川忠總拔伯乐洲遣人
謂至鎮曰戮力取船波至鎮不啻森甚立兵
衛中村右近等曰不可後忠總即披甲先馳
入船波城兵敗走忠總統至故以至鎮為首
功後更船波曰河波坐因至鎮之功也於是
忠總軍于高澤橋至鎮軍于南御堂十二月
十六日城兵欲燔橋忠總防戰退之卅夜大
野牙將埴團右衛門直之米田監物等袞至
鎮營至鎮擊破之稻田九郎兵力戰

七年十殆

危中村右近戰死城兵岩田七左衛門者与
至鎮士岩田七左衛門相戰互掛懼、緋戰
袍一奇夏也至鎮兵所斬獲士卒三十八級
時至鎮父逢菴老五江都 神君賜書賞至
鎮之功也乃賜至鎮感着腰刀松平氏以金
百兩賜有功諸士其著者稻田脩理亮及子
九郎兵衛感着森甚五兵衛感着山田藏部
樋口内藏人感着
二十年大坂再乱職舟來會遭颶風逗留遣
蜂須賀新左衛門將兵二千先至阿波坐堀

五月八日漸至大坂廿日家臣長坂三郎右、
衛門捕大野道大於石部驛 神君以至鎮
功多加封淡路

山内一豊傳

土佐守

一豊字措右衛門其先須藤氏族瀧口刑部丞俊
 通之裔也父但馬守咸豊丹波人移居于尾刈仕
 織田伊勢守領黑田邑一云其先戰于丹波兵敗
 乃取柏枝著其整轉戰遂破其敵及戰了見其整
 唯柏葉三筒僅存故以三葉柏為家紋云弘治三
 年父咸豊兄十郎戰歿于岩倉一豊年尚幼既長
 属于豊臣公麾下元龜元年四月信長攻金崎前越
 一豊先登矢中其面一豊不疼進刺墜射者未拔
 矢来献捷信長予賜采以治其創天正六年公圍

三木八月十五日三木將石野越中兼夜袈宮一
豐力戰擊退之其餘戰績頗多紛雜不能枚記十
一年為若洲高濱城主十二年守羽黑砦十三年
中納言秀次領近江公以一豐為附臣守長濱城
拜朝散大夫對馬守十八年封遠州懸川五万子
石慶長五年東照神君親征會津一豐從軍逮
石田三成兵起而其檄文及一豐夫人書至小山
營一豐持之見神君曰烏合之眾無統御
台旄一指則瓦解願急旋旄以討之臣先扈懸川
以待山台軍乃授懸川於内藤信成出質於小田

原八月与池田福嶋等率軍先發攻拔岐阜降織
田秀信九月十五日関原之戰將右軍平塚因幡
守為廣軍敗遂馳一豐陣奮戰櫻井太兵衛揮長
刀相當遂斬為廣地年封土仇都于高知米邑二
十二一作四万二千余石九年叙四品更土佐守
十年九月廿日一豐卒年六十無子弟脩理亮康
豐領三男忠義嗣又土一豐性魯鈍而諒直故関
原之役委身聽命令故神君愛之厚賜之又以
松平隱岐守定勝女嫁忠義十五年賜松平氏叙
四品十九年大坂有事忠義率軍屯于古妻園城

西元和元年大坂再乱軍至于阿波甲浦遣颯風
不能出船寛文三年拜拾遺侍中嫡子對馬守忠
豐

[Faint bleed-through text from the reverse side of the page]

有馬則頼傳 中務少甫

則頼幡州人其先赤松氏庶族傳曰赤松氏村上
帝皇子具平王之後故呼曰村上源氏王十二世
之裔幡磨守則景 具平王師房顯房雅實雅定
景凡十 始称赤松氏則景六世至次郎則村入道
二世 圓心 則景家範久範 則村孫出羽守義祐 師律師
茂範義則村 領撰州有馬郡因称有馬氏義祐七世 義祐持家
澄則則至 築後守重則時播州三木城主別取小
景重則 三郎長治赤松嫡家也故重則属之守滿田城娶
細川澄元女生中務少甫則頼守涪河城建豊臣

公伐三木殺長治而則賴投款其後從公有功勞
故文祿四年八月封遠州橫須賀三万五千石後
讓其秩於子玄番頭豐氏而老自稱法射令兵部
卿法印慶長四年東照神君之大坂訪前田利
家病利家以其子利勝託神君曰願世々不相
背而獻誓書其夜神君館于藤堂高虎鷺鷥邸
則賴率豐氏來因山園道河祢而見曰願列家臣
之數既而利家詰神君誓書帳下諸將皆曰利
勝兄弟心未可知勿贈誓書則賴進言曰利家命
在且夕殿下速贈誓昏以慰其心則利勝等必

奉其遺命不叛離神君發之令并伊直政贈誓
書也三月石田三成等謀燔伏見人情恟懼則賴
率兵來護邸中遷移于向嶋而則賴日夜侍側參
謀密議或夜闌而退神君紀坐送之曰暮夜輕
行宜備刺客乃以豐氏守淀城以禦盜賊五年三
成起兵則賴父子圍橫須賀網幕府兵且出質
於小田原遂從台軍至赤坂与三成將嶋元近
戰于株瀨川其將稻次右近等有切事平之後封
豐氏丹後福知山米邑八万余石七年七月則賴
卒年八十余於是豐氏併其封地十四年移于丹

彼篠山十九年冬大坂有事豐氏率部兵至吹田
州以待 台軍其後奉命攻備口斬首五十七級

二十年夏遣右馬左衛門佐
將兵三千上洛軍于鞍馬

元和元年五月大坂城拳豐氏有切封筑後久苗

米城主六年米邑二十二万石或云豐氏守篠山自

故久留米之寬永三年叙四品十一年七月拜拾

遺侍中十四年肥前嶋原賊起命板倉内膳正重

昌為征討使率鍋嶋立花及豐氏等攻天草圍之

日久賊扼要害數破我軍故再遣松平伊豆守信

綱代重昌監軍事重昌憤之十五年正月朔昧爽

重昌單騎入賊砦中砲而灰石谷十藏及重昌家

臣等殊死攻之益急豐氏嫡子兵部太甫忠御兵

蟻附壘壁賊矢砲亂發先登松田作兵衛等戰死

其後信綱令諸軍遠圍之賊糧尽多饑餓二月廿

七日鎬寫將柙原无彈父子先登入賊壁忠御兵

續之遂破城戮其酋以獻十九年豐氏卒年七十

六忠卿嗣法小字吉更中務太甫忠賴兼應四年和

三月朝于江都寢於舟中侍人殺之自投海人無

知其所由或云忠賴嘗忠賴死時年五十三嫡子

玄蕃頭賴利嗣寬文八年六月廿日卒年十七

中務太南賴元嗣

有馬伊豫守賴範分知松崎一万石

初豐臣公平関東則賴說公曰徳川殿信

義著聞関東素欽其威凡宜用之鎮及側必

無東顧之患公從之遂以関八州悉附

神君德則賴待之懇懇時參密議云

此乃... 徳川殿信... 義著聞... 関東素欽... 其威凡宜... 用之鎮及... 側必無東... 顧之患公... 從之遂以... 関八州悉... 附

